

Urtheile u. Nachrichten

zum Aufnehmen

der

Wissenschaften und der Historie

überhaupt.

XVI Stück.

Hamburg, Dienstags, den 24 Februar, 1750.

Hamburg.

Quæ, redeuntibus novi anni auspiciis, communicatæ nobiscum sunt, his ipsis commentariis, literæ *) interpretationem oraculi divini Luc. II. 7. complexæ, ansam dederunt mihi, ad hanc qualemcunque scriptiunculam, iisdem commentariis inferendam. Ante vero quam consilium meum explicare instituam; operæ mihi videtur pretium esse, summam utriusque epistolæ regustare.

Doctissimus prioris epistolæ Autor, verba Lucæ C. II. 7. καὶ ἔτεκε τὸν υἱὸν αὐτῆς τὸν πρωτότοκον, ita interpretatur: „Maria peperit filium suum, id est, hominem, sed etiam „præterea πρωτότοκον, id est, filium Dei. Breviter: Maria peperit Θεάνθρωπον.“ Argumenta, quibus hanc interpretationem confirmare gestit, desumpta sunt partim a repetitione articuli, in qua magnam appositionis grammaticæ vim inesse existimat, partim ab ipsa textus serie,

Ω

✱

*) vid. sup. p. 26 sq. atque p. 33 sq.